



All About Young Children

Information for Families on Children's Early Development

COV NTSIAB LUS HAIS TXOG COV MENYUAM COV HNUB NYOOG

18 lub hlis *txog rau* 36 lub hlis



PAUB TXOG LEJ

Cov menyuam kawm txog cov lej li cas?

Kev Saib Xyuas Hlo Txog Txoj Kev Xam Lej

Cov menyuam yau mus tshawb kev thiab pib los xyaum cov txuj uas yuav tsum muaj rau txoj kev ua lej ntev ua ntej lawv nkag mus kawm qib ntawv rau cov menyuam yau (elemetary). Thaum thawj cov xyoo ntawm lub neej, cov menyuam kawm suav lej, ras paub txog cov cim thiab tej qauv teeb khoom, muab hom loj me thiab ntau tsawg sib piv, thiab ras paub tej yam uas zoo sib xws thiab tej yam nyias txawv nyias. Cov menyuam tsim cov txuj no los ntawm lawv txoj kev lawv tus kheej tshawb kev thiab ua si nrog tej khoom siv thiab los ntawm tej kev sib txuas lus thiab ua si nrog rau cov neeg laus. Cov kev sib txuas lus thiab ua si txhua hnuv xws li kev suav ntiv tes thiab ntiv taw nrog rau cov neeg laus, muab ob daim txiv tsawb, thiab muab cov thoom thaub xiav thiab dawb sib txheeb nyias nyob nyias pawg pab ua rau cov menyuam txoj kev ua lej loj hlob tuaj. Cov menyuam pib txuas lus txog qhov ntau qhov tsawg los ntawm cov khoom uas yog siv cov lus hais xws li “ntau dua” thiab “loj dua.”

Thaum uas lawv loj laus tuaj lawv kawm los mus suav ob peb tug lej. Thiab lawv tsim lawv txoj kev to taub ntawm tias muaj ntau muaj tsawg los ntawm tej kev ua si xws li muab cov tais thiab khob tso rau saum rooj. Lawv cia li ras hais tias cov neeg laus siv kev suav lej nyob rau hauv lub neej txhua hnuv thiab kawm txog hais tias kev siv cov lej yog siv li cas thaum uas lawv qog cov neeg laus. Thoob cov sijhawm thaum ntxov hauv lub neej, feem coob cov menyuam yeej nyiam txog cov lej. Cov kev ua si lom zem uas muaj kev siv lej yuav muab zog rau cov menyuam txoj kev ib txwm muaj siab nyiam thiab txhawb siab rau lawv los kawm ntxiv txog cov niam tswv yim ua lej.



Paub Txog Lej

Cov Lus Qhib

Cov menyuam me kawm dabtsi txog lej?

Cov menyuam yaus pib xyaum tej yam kev txawj uas lawv yuav tsum paub los laij lej thiab tej yam txog lej ntxov heev ua ntej lawv pib kawm ntawv. Feem ntau cov kev txawj ntawm no los ntawm tej yam lawv tau ua thiab los ntawm txoj kev lawv tau kawm thaum lawv nrog cov neeg laus.

- Cov menyuam me pib kawm suav lej nrog tej yam lawv ua txhua hnuv xws li tso phaj rau saum rooj, suav lawv cov ntiv tes los qhia koj tias lawv muaj hnuv nyoog li cas, suav cov khoom noj txom ncauj crackers seb nws muaj ntau npaum li cas ntawm nws lub phaj.
- Cov menyuam uas muaj 19 mus txog 36 hli pib suav ub suav no. Feem ntau lawv pib kawm los hais 1-2-3-4-5 (qee zaus lawv yuav muab cov lej hloov mus mus los los) ua ntej lawv paub tias tus lej txhais tau li cas. Tej zaum lawv yuav suav lawv cov zaub broccoli mus txog 3 lossis 4, tiamsis tej zaum lawv yuav suav tib tug qub ob lwm lossis tsis nco qab suav ib tug zaub. Lawv tseem kawm tias lej kiag mus li cas thiab tej zaum lawv yuav tsis nco qab ib tug lej, piv txwv tias, "1-2-4."
- Lawv muab tau ob tug ntiv tes tsa los qhia rau koj tias nws muaj hnuv nyoog li cas thiab lawv txawj muab ob daim ntawv zos taub ntswg rau koj thaum koj nug.
- Lawv pib siv cov lus tias tsawg tsawg thiab ntau ntau. Thaum koj nug lawv tias nws yuav moj yogurt tsawg tsawg xwb lossis ntau ntau, lawv txawj xaiv lawv.
- Tej zaum lawv yuav siv lawv cov ntiv tes los suav thiab.

Cov lus los pab cov tsev neeg kom lawv pab tau lawv cov menyuam los nkag siab txog lej:

Ntau yam uas koj tsev neeg ua txhua hnuv yeej pab koj tus menyuam los tsim lawv txoj kev laij ub laij no thiab los paub txog lej. Nws muaj ntau lub sijhawm hauv peb lub neeg uas cov neeg laus suav ub suav no thiab cov menyuam yaus los sim suav lej thaum lawv ua si. Ntawm no yog ob peb lub tswv yim rau koj lub tsev neeg los sim:

- Suav kom nrov, li ntawd koj tus menyuam thiaj li hnov tias thaum koj suav lej no nws mus li cas thiab lawv thiaj li paub tias koj suav ub suav no heev npaum li cas txhua hnuv.

Thaum cov menyuam kawm ntawm koj txog hais tias cov lej yuav muab siv muaj nuj nqis li cas txhua hnuv hauv lub neej, lawv txoj kev nyiam lej nthuav tuaj.

- Suav thaum koj khawm koj tus menyuam, suav cov paj uas koj tus menyuam nre, lossis suv tias koj thiab koj tus menyuam npuaj teg ntau puas tsawg lwm.
- Pab tus menyuam suav ub tej no xws li thaum lawv muab cov carrot tso rau ntawm lawv lub phaj, lossis thaum lawv khaws cov khauj khaum tom dej hiav txwv. Suav ub suav no tim ntsej tim muag ntawm tus menyuam. "Kuv yuav muab plaub nplais txiv apple rau koj-1, 2, 3, 4."
- Thaum koj muaj ob pawg blocks-ib pawg muaj peb lub blocks thiab ib pawg muaj plaub lub block, koj nug tau koj tus menyuam tias, "Koj xav yuav pawg uas loj dua lossis tsawg dua?" Lossis, "Koj xav yuav peb lub block lossis plaub lub block?"
- Tau tes rau cov khoom thaum koj suav li ntawd nws thiaj li paub tias tus lej ntawd yog puas tsawg qhov khoom.



- Cov menyuam yaus yuav yuam kev ntau heev thaum lawv kawm txog lej. Tsis txhob hais tias lawv “yuam kev,” koj hais tau zoo zoo tias los wb rov qab suav, ua ke. Lossis koj hais tau tias, “Koj suav tau plaub tug noog tiamsis kuv tsuas pom peb tug xwb.”

Cov menyuam yeej ib txwm nyiaj qob koj es lawv thiaj li kawm tau txog tej yam li cov lej. Ntej mus, lawv yuav hais txog tej yam ib yam li koj ua thiab “rov txhim kho qhov lawv ua yuam kev” kom zoo xws li koj.

- Nws muaj ntau lub sijhawm zoo los suav ub suav no thaum koj mus yuav khoom, ua mov noj thiab noj mov:
 - “Koj xav tias wb yuav 2 lub txiv maj kiab me lossis 3 lub? Koj puas kam suav rau kuv thaum kuv muab cia hauv lub hnab?”
 - “Kuv xav tias ntshe kuv yuav hnab qos loj, vim tias koj nyiam noj qos heev,”
 - “Koj puas kam muab tagrho cov txiv maj kiab me tso rau hauv lub tais no thiab cov txiv avpaum tso rau hauv lub tais ntawm no?”

“Kuv xav kom koj ntxuas 2 lub qos. Koj paus kam mus muab hauv lub tub yees thiab muab ntxuav hauv lub dab ntxuav tais diav?”

allaboutyoungchildren.org